



JABATAN PERKHIDMATAN VETERINAR MALAYSIA

LAPORAN LIPUTAN MEDIA

3 Ogos 2020

1. Harga telur ayam naik 10 sen sebiji
2. Tolak tawaran belajar jadi penternak lembu, kambing

OLEH:

**SEKSYEN KOMUNIKASI KORPORAT DAN ANTARABANGSA
BAHAGIAN PERANCANGAN
JABATAN PERKHIDMATAN VETERINAR MALAYSIA**

KERATAN AKHBAR

Tarikh: 3 Ogos 2020

Media Cetak/Elektronik	Kosmo	Catatan:
Ruangan	Negara	
M/Surat	16	
Perkara	Pengeluaran ladang	

Kenaikan sejak tiga minggu lalu akibat kekurangan pengeluaran dari ladang

Harga telur ayam naik 10 sen sebiji

Oleh NUR NAZLINA NADZARI

KANGAR — Pengguna di negeri ini terpaksa berbelanja lebih apabila harga telur ayam bagi semua gred naik sebanyak 10 sen sebiji sejak tiga minggu lalu dipercayai akibat kekurangan bahan mentah itu daripada pembekal.

Bagaimanapun, tinjauan mendapat bahkan telur ayam dalam pasaran masih lagi mampu menampung keperluan semasa.

Pemborong utama ayam di Perlis, Seah Chong Ghee, 59, berkata, harga bahan mentah itu menunjukkan peningkatan yang konsisten sejak awal Julai lalu, iaitu 3 sen setiap minggu.

Menurutnya, kekurangan ayam yang menghasilkan telur dari peringkat pembekal menjadikan jumlah bekalan kepada pemborong berkurangan.

"Kini harganya mencecah 10 sen sebiji. Saya mempunyai dua pembekal iaitu dari Taiping, Perak dan Sungai Petani, Kedah. Dalam seminggu saya menerima kira-kira 425,000 biji telur berbanding 450,000 biji sebelum ini.

"Sekarang, mereka (pembekal) kurang bala anak ayam baharu untuk menghasilkan telur. Bagi ayam tua pula mereka sudah jual, sebab itulah harga boleh naik," katanya ketika ditemui di sini semalam.

Harga telur ayam gred A dan AA ketika ini dijual antara RM3.90 hingga RM4.20 bagi 10 biji, manakala bagi gred B, C dan D, masing-masing dijual antara RM3.30 hingga RM3.70.

Sementara itu, seorang pengguna, Ajis Hamzah, 63, berkata, peningkatan harga itu tidak terlalu dirasanya kerana tidak mendak dan hanya membeli dalam kuantiti yang sedikit.



CHONG Ghee menyusun telur ayam yang dijual di premisnya di Kangar semalam.



Saya tidak terasa sangat sebab naik pun sikit-sikit dan saya pun hanya beli 10 hingga 15 biji untuk makan sendiri sahaja. Kalau beli dengan barang-barang lain mungkin terasa," ujarnya.

AJIS HAMZAH

"Saya tidak terasa sangat, sebab naik pun sikit-sikit dan saya pun hanya beli 10 hingga 15 biji untuk makan sendiri sahaja. Kalau beli dengan barang-barang lain mungkin terasa," ujarnya.

Sementara itu, Ketua Pegawai Pengurusan Kementerian Perdagangan Dalam Negeri dan Hal Ehwal Pengguna (KPDNHEP) Perlis, Mohamad Amir Abdullah berkata, harga telur ayam di pasaran bagi gred B dan C di negeri ini

naik tiga minggu berturut-turut tetapi masih lagi dalam keadaan terkawal.

Menurutnya, harga telur ayam gred B naik sebanyak satu sen sejak tiga minggu berturut-turut bermula awal Julai kepada 31, 32 dan 33 sen sebiji.

Katanya, telur ayam gred C pula naik sebanyak dua sen bagi tempoh yang sama kepada 27, 29 dan 31 sen sebiji.

"Bagaimanapun, tiada kena-



Senarai Harga Kawalan

Barang	Harga (RM/kg)
Ayam	5.29
Daging Lembu Tempatan	34
Daging Lembu Import	20
Telur Gred A	9.70
Ikan Kembung	5.99
Minyak Masak	5.10
Gula Pasir	2.85
Bawang Besar Holland	1.90
Bawang Putih	3.60
Cili Merah	8.99
Kubis Bulat Tempatan	1.50
Tepung Gandum	2.15

Sumber: KPDNHEP

kan bagi telur ayam gred A yang kekal pada harga 38 sen sebiji. Kenaikan bagi gred B dan C adalah sedikit sahaja dan RM3.90 bagi 10 biji telur boleh dikatakan murah.

"Buat masa ini, kami belum menerima aduan daripada pengguna berhubung kenaikan harga telur dalam pasaran," katanya ketika dihubungi di sini semalam.

Sementara itu, beliau berkata, harga telur yang dikawal pernah mencecah sehingga 42 sen sebiji semasa skim harga maksimum.

"Untuk telur ayam ini kita tidak kawal sepanjang masa. Kawalan selalunya dibuat semasa skim harga maksimum," ujarnya.

KERATAN AKHBAR

Tarikh: 3 Ogos 2020

Media Cetak/Elektronik	Kosmo	Catatan:
Ruangan	Negara	
M/Surat	16	
Perkara	Usahawan	

Tolak tawaran belajar jadi penternak lembu, kambing

SEBERANG PERAI — Pengorbanan seorang pemuda menyambung legasi bapanya dalam bidang penternakan lembu dan kambing berbaloi apabila syarikat miliknya, Oonnee Milk House Enterprise kini mula berkembang maju.

Penternak muda, Muhammad Ridzuan Abdul Razak, 27, berkata, sebelum ini dia terpaksa menolak tawaran menyambung pengajiannya di peringkat ijazah dalam jurusan Pengurusan Ladang dan Agroteknologi demi menyambung legasi bapanya itu.

Katanya, ketika mula mencuba bidang itu, dia pernah mengalami kerugian besar selepas 48 ekor kambing tenusu terpaksa dilupuskan akibat penyakit tiga tahun lalu.

"Bagaimanapun, sekarang saya memiliki kira-kira 30 ekor lembu tenusu termasuk seekor lembu jantan induk dengan sebahagian besar daripadanya

diimport dari Australia selain beberapa ekor kambing tenusu yang lain.

"Saya turut menjual produk susu segar asli berpasteur pelbagai perisa termasuk susu kurma serta dadih hasil dari pada penternakan itu," katanya ketika ditemui di ladangnya di Kampung Padang Lalang di sini baru-baru ini.

Menurutnya, sebagai perancangan masa depan, dia menasarkan peningkatan pengeluaran susu lembu sehingga sehingga 300 liter sehari berbanding hanya 200 liter ketika ini.

"Saya juga memiliki enam pekerja yang rata-rata terdiri dalam kalangan saudara serta penduduk setempat."

"Ketika ini, produk tenusu keluaran syarikat saya bukan sahaja boleh didapati di sekitar negeri ini, malah telah dipasarkan ke beberapa lokasi di Kedah, Perlis dan utara Perak," ujarnya.



MUHAMMAD Ridzuan memegang sebahagian daripada produk tenusu yang dihasilkan di ladangnya di Kampung Padang Lalang di Seberang Perai baru-baru ini.